



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 2. De recentioribus Geographis.

urn:nbn:de:hbz:466:1-13147

PRIMÆ PARTIS LIB. I.

ii

STEPHANVS de Vrbibus, cuius habemus tantum epitomen ductam per Hermolaum quemdam Ludimagistrum sub Anastasio. Stephanus autem vixit post Ptolemæum, quem saepe laudat.

EUSTATHIVS Archiepiscopus Thessalonicensis enarravit Dionysium Afrum doctissimè, posteaquam Homierum pari doctrinâ exposuisset, sub Andronico Imp. anno Christi 1183.

§. 2. De Recentioribus Geographis.

SEBASTIANVS MUNSTERVS opus suum in quo plus historiæ, quam Geographiæ legitur, dicauit Carolo V. Imper. anno 1550. excusum Basileæ, in quam se receperat abiecto cucullo Lutheranus.

ABRAHAMVS ORTELIUS Antuerpiensis Philippi II. Hispaniarum Regis Geographus, compegit Theatrum, Paragon, & Thesaurum, vir magni otij, & laboris.

GERARDVS MERCATOR præstantissimus æui sui Geographus Rupelmondanus, olim Carolo V. Imp. percarus, opus suum sub Atlantis nomine vulgauit, qui postea *Atlas Maior* dictus est, cum eius tabulæ in minorem aream contractæ essent. Eum auctiorem ætate nostrâ reddidere Ioannes Ianssonius, & Ioannes Blaeu æmulimago rei Geographicæ commido.

IOANNES MAGINVS Mathematicus Bononiensis totam emisit Geographiam, vel potius sibi è manibus rapi passus est imprimatam anno 1599. quæ subinde recusa multos næuos contraxit.

IOANNES BOTERVS Pedemontanus Benensis Carolo Emmanueli Duci Sabaudia carissimus, cuius liberos erudituit. Opus suum Italico idiomate *Relationem uniuersalem* inscripsit in quatuor partes distributam, quod saepe recusum magno in precio est apud Europæos. Additæ sunt scriptis minutæ tabulæ, sed accuratae parum.

PHILIPPVS CLVVERIVS peritissimus omnium Geographorum, eruditorum omnium iudicio, introductionem ad Geographiam veterem, & nouam amicis suis, & familiaribus scripsit, quam emisit in lucem Iosephus Voëstius. Hæc introductio omnium gentium est commissa prælis, & omnibus penè linguis loquitur, sed multis est aspersa mendis. Eam purgatiorem edidit P. Philippus Labbe Soc. IESY vir multæ eruditionis, cui & Galliam

B ij

magis accuratam inseruit. Ab eodem Philippo Labbe tabulæ aliquot methodicæ de vniuersâ Geographiâ prodierunt, aliquoties iam recusæ intra paucos menses.

IOANNES BERTIVS Batauus ætate nostra Regis Christianissimi Geographus, recetiorum Geographiam ex minutis tabulis, iisque inquinatissimis concinnauit. Dedit & Breuiarium de eadem, sed absque tabulis: Item feliciori conatu veterem, cum tabulis, in quam tamen multos errores irrepsisse ipse conqueritur.

IOANNES HERIGONVS Gallus in Mathematicam institutionem intrusit tractatum Geographicum vendibilem.

PETRVS DAVIT Y nobilis Gallus opus ante aliquot annos vulgarat de Rebus publicis, & Imperiis des Estats & Empires, quod postmodum in quinque corpora extendit. Multa habet exquisita ex recentioribus relationibus, nauigationibus, hodæporiis, & huic Geographia recentior plurimum debet.

HVG SEMPILIVS Iesuita Scotus in academia Madritensi professor compendium Geographicum suæ mathesi illigauit.

ABRAHAMVS GOLNITZ Danus de Geographia minutum opus emisit, cuius faciat fidem, magnam Europæ partem se lustrasse ait. Indicem attexuit operi suo percommodeum.

NICOLAUS SANSON Abbaillæus Geographus Regius, edidit tabulas methodicas cultissimas, itemque mappas plures Geographicas, quæ omnibus aliis meritò anteponuntur. Is omnium Geographorum ætatis nostræ facile princeps audit, ipso etiam Batauorum iudicio, quibus palmam, & laudem in hac arte præcipuit.

C A P V T I V.

De causa finali Geographiae.

DEM est Geographiæ qui omnium scientiarum, & potissimum Philosophiæ, finis, videlicet animum hominis expolire. Scriptit enim sub initium libri primi Strabo Geographiam τὴν φιλοσοφίαν πραγματείαν, philosophi negotium esse: & πολυμάθειαν quæ in Geographicâ cognitione exigitur nominandam esse τὴν φιλοσοφίαν θεωρημα. Huc quoque spectat, primos Philosophiæ parentes, magnos Geographos extitisse, Homerum scilicet, Anaximandrum Milesium, Hecatæum, Democritum, Eudoxum, &